



出
輯
畧

ル 5
3610
1



門 3
號 3610
卷 1

三州輯畧

敘

蓋聞蒼頡六書傳於華土佉廬四梵播在遐荒法苑

珠林上古之世生兄弟三人始造文字長曰梵次曰佉廬三曰蒼頡蒼頡之字傳於中國今六書也佉廬之字傳於西北今蒙古字也梵之字傳於西南今諸番字也又名四梵天夏書即敘

之戎蔑詳疆址周書西旅之貢不紀封圻厥後佛

國記法顯浮夸法顯佛國記載于闐崇信釋教今考不然知附會也水經注

道元罽漏酈道元水經注獨不載黑水張博望初通西域鑿空

之道里失真前漢書張騫出隴西徑匈奴中畱十餘載得聞西去數十日大宛抵康



居傳致大月氏乃史稱大宛去長安萬二千五百里康居在大宛西反止萬二千三百里月氏更在康居西乃止萬一千六百里是其所行愈遠道里愈近不可信

重譯之山川多舛元世祖至正十七年遣篤什為招討使窮河源指巴延

喀喇為崑崙并積石山而謬定元史地理志以大雪山為崑崙大雪

山者巴延喀喇山總名庫爾坤非崑崙也又以河州西之小積石本名唐述山誤為禹貢積石非是

今考積石山在青海境內名阿木尼瑪勒占穆遜山當羅卜淖爾東南之境山東麓有水出焉名阿勒坦河東北流三百餘里有泉千百泓名鄂敦塔拉所謂星宿海也

星宿兼蒲類海而訛傳西域聞見錄誤以羅卜淖爾為星宿海又西陲紀畧

誤以蒲類海為蒲昌海皆非也今考星宿海在青海境積石山之北羅卜淖爾即蒲昌海在吐魯番

東南蒲類海在北天山之陰巴里坤他如柳陳魯陳今庫車城火州和卓

吐魯番東喀喇皮禪闢展通鑑作皮禪今名闢展海都開都

和卓又名火州河名俗名通天和闐赫探古于闐國輪台俞頭今烏魯木齊

烏免務塗古名務塗谷又名浮圖今名烏免水在巴里坤伊犁伊列又名伊麗

或一地而名殊或近音而字異黑河有六執泥則

相去逕庭詳黑水考疏勒凡三渾同則更離霄壤今喀什噶

爾古疏勒國也安西州疏勒河也若耿恭守疏勒在烏魯木齊皆由荒酋裂土代

遠年湮一惑於羅什方言

鳩摩羅什譯梵音

再惑於昂霄

譯語

潘昂霄因篤什窮河源譯河渠志

此地志山經所不載類函

通考所未詳者也欽惟我

盛朝

神謨遠燭

渥澤遐流史館銘勳儒林作傳以

國書等其韻辨舌齒於微茫以漢楷和其聲叶羽宮

之鉅細帕西鳥跡陽布能通

帕兒西字回部書也西南廓爾喀別有夷

字必以帕兒

托特驢唇烏斯偏解

托特字蒙古字也西藏用唐古

特字又能解

昔也傳聞異語耳食無徵今則刊正

同文筆書志信矣

凡碑志多用四譯字國書漢文蒙古兼唐古特字或回字俄

羅斯字廓爾喀字又厄

於是考荒彝之遠系空餘

貊長蕃酋搜往烈之遺蹤半蝕唐碑漢碣龍堆瀚

海數千里同軌行車金嶺松塘幾萬里置郵傳命

建連城於絕徼車輔相依聚比戶於平原室家相

保區塍萬隴開田越充國而遙房駟千羣考牧在

秦非之上厥貢惟金三品採冶以利民生南路和闐葉爾

羌皆產金北路迪化庫爾喀喇烏蘇亦產金聽民回採取納課惟塔爾巴哈台屬之達爾達木圖及

烏蘭托羅琿二處封閉禁採又阿克蘇銅廠烏魯木齊伊犁鐵廠俱聽軍民採取于闐大

玉千觔投昇聿昭

聖德和闐使臣貢大玉三塊大者色青重萬觔次者蔥白重八千觔小者極白重六千觔以車運至喀喇沙爾嘉慶四年奉旨停運

棄於道旁今存烏沙克塔爾台嚴壁壘則龍驤

虎旅何憂乎封豕長蛇建覺宮則雁戶魚民竚俟

乎騰蛟起鳳穹廬毳幕奉揚玉帳仁風蔀屋蓬門

漸沐琴堂時雨莫不向九邊之使節重萬里之

堯封也瑛識同尾燄學等蹄涔游異域十三年未窺半

豹歷訓方二萬里敢目全牛癸丑使西藏萬三千里辛酉還都壬戌使

西域萬二千餘里茲乃忝護北庭旁搜西史爰成

輯畧哀紀三州哈密曰伊州吐魯番曰西州烏魯木齊曰庭州蓋不志西

州不知庭州之所自始漢車師前王庭在吐魯番後王庭在烏魯木齊不

志伊州不知庭州之所由通由哈密南山口抵巴里坤大道匪干

著作之林聊當簿書之藪若夫頌揚

盛烈願質實於石渠宿老之門點綴鴻詞甘讓能於
藝苑才人之筆是為序

昔

嘉慶歲次乙丑孟冬

太莽和瑛題

三州輯畧目錄

卷之一

沿革門 疆域門 山川門

卷之二

官制門 建置門

卷之三

庫藏門 倉儲門 戶口門 賦稅門

卷之四

屯田門 俸廉門 糧餉門

卷之五

營伍門 馬政門 台站門

卷之六

禮儀門 旌典門 學校門 流寓門

卷之七

藝文門上

卷之八

藝文門中

卷之九

藝文門下 物產門

三州輯畧卷之一

沿革門

哈密

謹案哈密漢伊吾廬地唐稱伊州宋如之元始稱
 哈密明如之其地為南北兩路中分最要之區土
 著皆纏頭回種設札薩克領之蓋回人錯居西域
 以天方為祖國或城郭處或逐水草徙牧稱花門
 相傳祖瑪哈教以事天為主重殺不食犬豕肉常

以白布蒙頭故名曰纏頭回又名曰白帽回回人

自呼白帽曰達斯塔爾別有紅帽回輝和爾哈拉

回諸族然以纏頭回為著札薩克居哈密舊城戶

十設甲長一

國初康熙間其回長投誠累世襲封總領回眾設辦

事大臣二哈密通判一副將一管理營屯驛站民

回事務詳載回疆通志為回疆北路之門戶也序歷代及

本朝紀畧如左

漢之通西域也張博望創其議而不能成其功

漢武帝元朔三

年募能通西域月氏者張騫以郎應募出隴西徑匈奴中單于得之畱十餘歲騫得問西去數十日自大

宛為發譯道傳至大月氏畱歲餘乃還復為匈奴所得匈奴亂騫乃逃歸乃建言烏孫王

昆莫本匈奴臣不肯復朝事匈奴而故渾邪地空無

人宜招烏孫居故渾邪之地拜騫為中郎將齎金帛

致烏孫自是西域稍通於漢而以渾邪故地置酒泉

郡今肅州高台縣是也至元封三年將軍趙破奴擊

姑師即車師自哈密以西皆車師地宣帝地節三年

侍郎鄭吉破車師因田其地安帝永初元年罷西域
 都護及伊吾廬柳中屯田永寧元年復以行長史索
 班將千餘人屯伊吾而北匈奴與車師後王軍就殺
 索班畧有北道班勇議營兵居敦煌雖羈西域然亦
 未敢出屯伊吾也三年勇擊走匈奴田車師者西域
 復通順帝永建六年帝以伊吾膏腴傍近西域匈奴
 資之以為鈔暴復置伊吾司馬開設屯田

隋煬帝大業三年以裴矩為黃門侍郎經畧西域矩撰

西域圖三卷又別造地圖窮其要害凡為三道北道

從伊吾中道從高昌南道從鄯善カワキ今考南道砂磧不

通中道則哈密西之吐魯番高昌北道則哈密北之巴

里坤哈密則古伊吾廬地也五年高昌王麴伯雅伊

吾突厥監視官吐吞設等朝帝於燕支山

唐太宗貞觀四年西突厥種落散在伊吾至是來降以

其地置西伊州故城在哈密境十八年西突厥乙毗

咄陸可汗自恃疆大遣兵寇伊州安西都護郭孝恪

討之奔吐火羅蔥嶺西元宗天寶三載突厥大亂
河之南回紇骨利裴羅定其國又攻殺白眉突厥遂亡其地
盡入回紇東極室韋西抵金山南控大漠盡得古匈奴地矣

明成祖永樂九年封哈密推勒特穆爾為忠義王初哈密忠順王托克托以俘虜得歸襲封帝眷特厚而托克托凌侮朝使且沉湎不恤國事帝賜勅戒諭之未至暴卒乃封其從弟推勒特穆爾為忠義王賜印誥

世守哈密

憲宗成化九年吐魯番據哈密

初哈密忠順王布拉克卒無子王母主國事加

嘉色凌見哈密無主乘隙侵掠謀據其地成化二年以都督同知巴圖穆爾襲封王爵為都督攝行國王事又卒其子哈商請襲都督許之而不令其主國事由是政令無所出時吐魯番酋阿

里自稱蘇勒坦乘機破哈密城虜王母及金印去留

其妹婿伊蘭

舊作雅蘭

鎮之兵部言哈密實西域咽喉若

棄而不救則我之赤金蒙古苦峪沙州等恐為所脅

藩籬盡撤肅州多事矣乃建都督同知李文等進兵

討吐魯番李文等兵至布隆吉爾川

在今安西州淵泉縣西北流逕

敦煌縣入

哈里集眾抗拒文等不敢進令哈商

舊作

及默克里輝和爾之眾退居苦峪築城移哈密衛於

其地命哈商主國事焉十八年哈商寄居苦峪既久

率所部萬人糾罕東赤金二衛夜襲哈密城破之伊

蘭遁乘勢連復八城遂還居哈密帝進哈商左都督

孝宗宏治元年帝從其國人請封哈商為忠順王吐魯

番酋阿里死子阿哈瑪特嗣為蘇勒坦怒曰哈商非

忠順族安得封乃偽與結婚誘而殺之仍令伊蘭據

其地四年阿哈瑪特叩關獻還哈密城及前阿里所

掠金印馬文升言番人重種類且素服蒙古非蒙古

後裔鎮之不可乃求故忠順王托克托從孫善巴

陝襲封為王以恩克保喇哈商為都督同知阿穆呼

朗為都督僉事輔之吐魯番阿哈瑪特潛兵夜襲哈

密執善巴支解阿穆呼朗仍令伊蘭據其地六年閉

嘉峪關不通吐魯番貢使阿哈瑪特既據哈密僭稱

汗侵沙州迫罕東部附己帝以馬文升言命巡撫許
 進往討八年冬諸軍會伊濟穆爾川夜半大雪奄至
 哈密城下拔之伊蘭遁去乃斬其遺族撫降餘衆而
 還阿哈瑪特懼乃送還善巴欵關求貢仍命善巴爲
 忠順王哈密復安善巴卒子巴雅濟襲封忠順王淫
 虐不親政事嘗恐其屬部害己吐魯番酋莽蘇爾阿
 瑪特子數以甘言誘之有吞復哈密之意

武宗正德八年巴雅濟棄其國奔吐魯番莽蘇爾奪其

印卽遣和卓塔濟迪音據守哈密

世宗嘉靖三年吐魯番圍肅州尙書金獻民都督杭雄
 往禦之七年吐魯番復寇肅州王瓊請令入貢詔許
 之自是吐魯番通貢而哈密城印及巴雅濟存亡遂
 置不問哈密後沙布塔子穆爾瑪穆特據有服屬吐
 魯番比歲入貢至隆慶萬厯朝不絕非復蒙古忠順
 王裔矣

國朝順治四年甘肅巡撫張尙奏哈密衛輝和爾都督

及赤金蒙古衛都督永柱等願投誠內附 六年河

西逆回丁國棟等煽哈密及吐魯番部掠內地民偽

立哈密巴拜子土倫泰為王據肅州叛 大軍討之

八年回目克拜至嘉峪關稱哈密使請通貢使甘

肅提督張勇責盡歸內地民人乃可 十二年克拜

齊葉爾羌表至稱哈密巴拜汗獻內地民請罪納之

康熙十八年張勇謀噶勒丹襲哈密設備邊汛噶勒丹

懼不至尋與兄子策旺阿喇布坦脩怨策旺阿喇布

坦牧博囉塔拉噶勒丹牧阿爾台哈密居其間畏準

噶爾威強事之 三十二年使臣赴博囉塔拉道經

哈密為噶勒丹所屬戕害將軍朗坦請勦噶勒丹及

哈密 護軍統領蘇丹議噶勒丹無定牧哈密隸噶勒丹久據勒之非所以體好生之仁遂釋回族

三十五年噶勒丹為 大軍敗遁哈密達爾漢伯

克額貝都拉奉表至嘉峪關而以噶勒丹虐哈密故

懼襲已丑聞 大軍嚴備不果赴 三十六年哈密

俘噶勒丹子色布騰巴勒珠爾及其屬以獻噶勒丹

尋自殺額貝都拉 貢使人都子郭帕伯克屯肅州

三十七年遣官赴哈密編旗隊設管旗章京參領

等官肅州別設佐領一以哈密市甘肅便 三十九

年策旺阿喇布坦賊哈密擒獻噶勒丹子故掠其屬

赴市吐魯番者準噶爾怨哈密甚 五十四年噶勒

丹遣兵二千襲哈密掠北寨五抵城我駐防兵二百

率回卒奮擊斬九十級擒三人賊退屯城南聞肅州

援至遁 五十五年富寧安奏哈密屬之布魯爾圖

古哩克接壤地并巴里坤都爾博勒津哈拉烏蘇及

西吉木達里圖布隆吉爾附近之上浦下浦等處地

可耕請募兵興屯

雍正三年拔大軍還四年王大臣等議駐防哈密兵止

五百請撥安西鎮標兵五百往駐哈密 七年 大

軍復屯巴里坤議墾哈密及塔勒納沁地 十年噶

勒丹策凌遣將分兵襲哈密及塔勒納沁回衆拒之

乞援岳鍾琪軍鍾琪檄總兵曹勦救之勦軍抵二堡

遇賊五千餘奮擊之賊由烏克克嶺越塔呼納呼遁

十一年護理寧遠大將軍印務張廣泗奏吐魯番

回民內徙置瓜州 十二年所部獻可耕地之錯軍

營屯田者別給地畝銀兩及牛具穀種償之 十三

年總督札朗阿請減兵三千屯哈密西三堡別簡兵

五千屯赤金等五處互為守望

乾隆元年免納糧給種地回民銀萬兩 六年大學士

查郎阿奏哈密駐防兵請屯塔勒納沁賽巴什達哩

雅三堡各二百哈密城駐千二百 十三年以安置

肅州金塔寺之吐魯番回眾交哈密貝子玉素卜併

入所屬加意撫恤 十八年哈密所屬賽巴什達哩

雅等屯田給回人耕種所獲穀石全行賞給停其交

官 二十一年 上諭哈密生齒日繁準噶爾全部

底定哈密屬邑德都摩垓圖古哩克地不必復設汛

哨其仍給回民為世業 二十四年議撤駐防兵二

千以靖逆衛兵二百瓜州兵三百移置哈密黃墩營

兵二百移置塔勒納沁隸哈密副將轄回部旗一郡
王品級扎薩克多羅貝勒一

吐魯番

謹按吐魯番漢車師前王地唐宋稱吐番元明稱

吐魯番自唐咸亨以後吐番強盛寇今青海境河源

臨洮至渭源而西今洱諸蠻皆降於吐番吐番之地

東接松涼茂雋等州今四川西南鄰天竺今西藏

茲今庫車疏勒今喀什噶爾等四鎮北抵突厥今天山北路地

方萬餘里而天山南北伊西庭三州盡為所有矣

至明成化間李文進兵討吐魯番不克後遂圍肅

州世為回紇所據序歷代及

本朝紀畧如左

漢武帝元鼎二年張騫使西域自玉門陽關出有二道

從鄯善旁南山循河西行至莎車今葉爾羌為南道南道

西踰蔥嶺則出大月氏安息自車師前王庭隨北山

至疏勒今喀什噶爾為北道北道北踰蔥嶺則出大宛康

居奄蔡通鑑作西踰誤故皆役屬匈奴車師部有前後王庭

前王治交河城今之吐魯番廣安城也元封間趙破

奴將兵虜樓蘭王遂破姑師蓋姑師車師一國兩名

綱目以姑師為樓蘭王名非是

宣帝地節三年鄭吉破車師王奔烏孫匈奴更以玉昆

弟兜莫為王收其餘民東徙吉使吏卒往田車師前

王庭地以實之元康二年匈奴擾車師田者常惠將

騎往車師迎吉吏卒還渠犂遂以車師故地與匈奴

新莽始建國五年焉耆今喀喇沙爾殺莽都護但欽莽遣五

威將王駿等出西域焉耆詐降駿等伏兵襲殺之西

域遂絕不通

明帝永平十七年司馬令班超平于闐

今和闐龜茲今漣

之亂諸國悅服皆遣子入侍西域與漢絕六十五載

至是復通冬十一月竇固耿秉定車師車師前王即

後王之子相去五百里耿秉降之司馬耿恭為戊校

尉屯後王金蒲城

今巴里坤

謁者關寵為己校尉屯前王

部柳中城

明史西域傳柳城一名魯城即後漢柳中城西域長史所治居於此置柳中縣東去

哈密千三百

章帝建初元年焉耆龜茲攻沒都護陳睦北匈奴圍己

校尉關寵復圍耿恭段彭將兵救之擊車師斬獲數

千北匈奴驚走時關寵已沒車師復降

安帝永初元年罷西域都護戊己校尉官永寧元年車

師與匈奴共殺漢吏敦煌太守曹宗患為邊寇上言

遣索班將千餘人屯伊吾以招撫之至是北匈奴等

殺索班擊走前王延光二年以班勇為西域長史將

兵出屯柳中三年勇擊走匈奴田車師者發龜茲兵

到車師前王庭擊匈奴於伊和谷於是前部復開通

順帝永建二年敦煌太守張朗將河西四郡兵與班勇

共擊焉耆張朗先期至爵離闕釋氏西域記龜茲國南山上有寺名雀離

焉耆王元孟乞降朗入受降而還

北魏太延三年西域龜茲疏勒烏孫悅般其先本匈奴部落為賈志

所破北單于西走康居其不能去者渴槃陀在葱嶺

為悅般國居龜茲北珠勒瀨山其國有

高山夏多積雪鄯善焉耆車師即前後粟特一名溫那沙在

唐太宗貞觀四年高昌王麴文泰入朝西域諸國皆因

文泰請朝上欲令文泰使人迎之魏徵諫曰昔光武

不聽西域送侍子置都護以為不以蠻夷勞中國前

者文泰之來緣道供億甚苦若諸國皆來將不勝其

弊姑聽其商賈往來與邊民市易則可矣倘以賓客

遇之非中國之利也上乃止五年康國求內附不受

西域國其王姓溫本月支氏居祁連北為突厥所破

稍南依蔥嶺即有其地支庶分為九國康其一也

十四年夏五月侯君集滅高昌以其地為西州初高

昌王麴文泰聞唐兵起謂其國人曰唐去我七千里而沙磧居二千里地無水草寒風如刀熱風如燒安能致大軍乎及聞唐兵臨磧石憂懼發疾卒子智盛立刻日將葬諸將請襲之侯君集曰天子以高昌無禮使吾討之今襲人於墟墓之間非問罪之師也於是鼓行而進詰朝攻之及午而克智盛出降高昌麴氏自嘉至智盛凡五世百三十四年而滅君集分兵畧地下其地二十二城戶八千四十六上以其地為西州置安西都護府左

屯衛將軍姜行上勒石紀功在哈密北之南山口內

松樹塘上其西北則巴里坤也

國朝順治三年吐魯番蘇勒坦猶蒙古稱汗明成化時酋如之阿布勒

阿哈默特阿濟汗遣都督瑪薩朗琥伯峯等奉表

貢京師會同館及蘭州予市以官役監勿市熟鐵與

軍器六年河西逆回丁國棟等叛據肅州陰通哈密

煽惑吐魯番侵掠內地民大軍定肅州斬吐魯番

頭目哈什克伽等閉嘉峪關絕貢十年吐魯番使

穆蘇喇瑪察帕克等叩關請貢表署蘇勒坦賽伊特
 汗甘肅提督張勇責盡歸內地民乃許 十二年回使
 克拜齋葉爾羌表獻內地民十五人以拜城薩嘛罕
 諸地使從表署阿布都喇汗勇斥不盡歸內地民詰
 表異名違例故克拜告曰哈密吐魯番葉爾羌長皆
 昆弟其父曰阿都喇汗居葉爾羌卒已久有子九長
 即阿布都喇汗居葉爾羌次即阿布勒阿哈默特汗
 居吐魯番先二年卒次蘇勒坦賽伊特汗嗣之次巴

拜汗居哈密以得罪天朝故為葉爾羌長所禁阿布
 勒阿哈默特子代之次瑪哈默特蘇勒坦居帖力次
 沙汗居庫車次早死次伊思瑪業勒居阿克蘇次伊
 卜喇伊木居和闐前葉爾羌汗遣其弟自吐魯番請
 貢故表稱吐魯番汗名今以葉爾羌汗為昆弟長故
 表稱葉爾羌名察歸內地民百五十為準噶爾巴圖
 爾琿台吉所掠存者僅十五人謹以獻請即納貢許
 之

康熙十二年吐魯番使烏魯和卓等貢西馬四蒙古馬

十五璞玉千斤嗣令自璞馬外餘物免進 二十年

吐魯番使伊思喇木和卓等貢璞馬如前額自是免

貢馬 二十五年遣使烏魯和卓等表稱臣青吉斯

汗裔承蘇賚滿汗業謹守疆界向風殊切今特遣獻

方物 三十四年 大軍議征噶勒丹先是準噶爾

台吉噶勒丹強脅吐魯番為己屬兄僧格子策旺阿

喇布坦與構怨攜父僧格舊臣七人走吐魯番尋徙

和博克薩哩吐魯番為策旺阿喇布坦屬至是刑部

尚書圖納請檄吐魯番令知罪祇噶勒丹勿驚懼

三十五年噶勒丹敗遁葉爾羌汗阿卜都斯伊特自

軍所降告葉爾羌有兵二萬吐魯番有兵五千請攜

孛赴吐魯番借策旺阿喇布坦擒獻噶勒丹噶勒丹

尋走死策妄阿喇布坦師噶勒丹詐復不靖 五十

四年陰以兵襲哈密西安將軍席柱奏由哈密北大

山後烏蘭烏蘇進闢展取吐魯番 五十九年散秩

大臣阿喇納以兵赴闕展魯克沁吐魯番諸城諭曰

大兵征準噶爾非仇爾也若不速決計將破爾城

悔無及矣回衆乞降納畜械各五百餘撫其衆以總

管沙克札拍爾頭目阿克蘇勒坦等歸又有回衆百

餘戶聚魯克沁以托克托瑪穆特為總管拒準噶爾

兵 六十年吐魯番回人阿喇布坦抵 大軍訴回

衆不堪準噶爾虐約內附且獻所獲準噶爾甲乞

又準噶爾博斯和勒額木齊宰桑以兵襲吐魯番托

克托瑪穆特乞援阿喇納以兵二千馳援吐魯番副

都統莊圖穆克登各督二千兵繼之別以兵八千屯

鄂隆吉科舍圖色畢特伊勒布爾和碩為應阿喇納

抵吐魯番遇準噶爾賊二千餘迎擊之賊棄騎走俘

斬百餘名遂屯吐魯番

雍正二年吐魯番納屯糧五千餘石嗣歲獲數以贏計

三年撤 大兵還闕展魯克沁吐魯番諸城回衆

內徙者六百五戶安置肅州金塔寺威魯堡諸地以

托克托瑪木特為總管 九年岳鍾琪奏遣總兵張

元佐率兵三千赴吐魯番別以兵六千屯塔呼及洮

賚隘準噶爾賊圍魯克沁越四旬餘不下復以木梯

三百攻喀喇和卓回衆拒斬五百餘級賊聞我師將

至棄甲械遁 十年北路軍大敗準噶爾於額爾德

尼昭賊創甚不敢復襲西路尋吐魯番回目額敏和

卓率回衆就道查郎阿奏請安置肅州王子莊明年

奏吐魯番自塔勒納沁徙瓜州凡八千一十三口

乾隆二年定吐魯番來朝廩給限四旬札薩克視喀爾

喀輔國公正千戶視佐領副千戶而下視驍騎校

十九年遣官赴瓜州編旗隊置管旗章京參佐領驍

騎校各員如哈密例 二十年瓜州回兵三百從

大軍征達瓦齊軍機大臣奏吐魯番修內地俟準噶

爾定察獲頭目安置之併遣瓜州札薩克歸定邊右

副將軍薩拉勒檄招吐魯番伯克莽噶里克納戶籍

四百餘復偕弟阿里尼咱爾迎降定西將軍永常

戶籍千餘莽噶里克祖曰瑪爾占楚克父曰圖默爾
 庫濟世居吐魯番為總管莽噶里克嗣稱達爾罕伯
 克有綽羅斯台吉噶爾藏多爾濟輝特台吉巴雅爾
 者準噶爾屬游牧額琳哈畢噶鄰吐魯番聞 大軍
 至請降巴雅爾以乏畜產告永常遣赴吐魯番耕種
 檄莽噶里克給穀種 大軍尋抵伊犁定北將軍班
 第奏吐魯番舊頭目莽蘇爾為元太祖裔居喀喇沙
 爾應遣歸吐魯番轄舊屬至瓜州回民請遣官護歸

魯克沁軍機大臣議奏俟勘界後乃議徙時達瓦齊
 就擒撤瓜州兵歸尋阿睦爾薩納叛擾伊犁莽蘇爾
 不獲歸吐魯番偕弟哈什木走葉爾羌後 大軍定
 逆回霍集占亂乃獲之以歸授一等台吉隸正白旗
 蒙古都統 二十一年薩拉勒自伊犁歸吐魯番陝
 甘總督黃廷桂獻額敏和卓繪吐魯番圖奏吐魯番
 不復有蒙古裔瓜州回民願歸故土已而阿睦爾薩
 納竄哈薩克境徙瓜州回民歸魯克沁莽噶里克遣

子白和卓至軍機大臣議奏吐魯番東界自闡展至
 喀喇和卓令額敏和卓轄西界自伊拉里克至阿思
 塔克令莽噶里克轄未幾噶爾藏多爾濟以巴雅叛
 告寧夏將軍和起攜索倫兵百往勦檄額敏和卓莽
 噶里克兵闡展而噶勒雜特宰桑哈薩克錫喇布魯
 古特台吉呢瑪陰應巴雅爾詭以兵千五百會和起
 望兵至疑之遣莽噶里克往偵莽噶里克給曰我兵
 也逾時呢瑪等操戈前莽噶里克自後噪和起借眾

兵百死之安西提督馳往勦會白和卓自京旋抵哈
 密就擒 二十二年春傅魁兵次鹽池莽噶里克攜
 厄魯特俘二馘十二迎告曰厄魯特虐我甚我子不
 即歸以故擒獻厄魯特賊且將迎我子傅魁以執而
 獻非已功磔莽噶里克及從者十九人詭稱道遇莽
 噶里克擊斬三十三級
 上以賊迎赴我軍且從者寡不俘獻反聚殲之情必詐
 械傅魁至

廷訊悉欺罔狀予辟宥白和卓罪任副都統額敏和卓
自魯克沁馳赴吐魯番擒斬其從逆宰桑十餘人徙
居吐魯番兼轄莽噶里克屬戶五百餘 二十三年
戶部侍郎阿里袞勒沙拉斯瑪呼斯城兵抵羅卜淖
爾羅卜淖爾舊有戶二千餘存者六百餘聞 大軍
擒達瓦齊遣使攜鶴貢抵吐魯番伯克喀什哈呢雅
斯呼里等獻戶籍請降 二十六年陝甘總督楊應
琚奏甘州威魯堡安置吐魯番回民計二百五十戶

墾地萬五千三百六十餘畝戶口日增地畝有限請
遣千戶珈如拉等歸吐魯番尋議奏酌給闕展吐魯
番可耕地七月舒赫德奏附闕展之連木齊木有地
六千畝闕展英格二邑有地千餘畝請令千戶珈如
拉徙舊居魯克沁衆赴連木齊木百戶伊明和卓徙
舊居英格衆歸故地授五品六品伯克有差又羅卜
淖爾部有二一爲喀喇庫勒一爲喀喇和卓喀喇庫
勒置伯克二喀喇和卓凡五邑各置伯克一每年納

哈什翎百枝海倫九張吐魯番札薩克多羅郡王一
一等台吉一二等台吉一

烏魯木齊

謹案烏魯木齊巴里坤在北天山之北麓漢車師
後王庭地烏魯木齊即古輪臺也西陲紀畧云輪
臺在庭州之西亦曰侖頭漢書侖頭皆作輪臺至
昭帝時以扞彌太子即今哈密賴丹為校尉田輪臺即
此回語謂禾稼為烏魯木以其地可種禾稼故名
蓋古輪烏魯木音相近也桑宏羊言輪臺以東捷
枝渠犁皆可屯田渠犁故地即金蒲城庭州舊治

三

章懷太子云金蒲城即車師後王庭文獻通考車師後王治務塗谷金蒲城北庭府考巴里坤西一百四十里地名烏爾圖布拉克蒙古語烏爾圖長也布拉克泉也言長流水也舊唐志貞觀十四年討高昌西突厥遣其葉護屯浮圖城與高昌相應即此一統志云浮圖即務塗之轉音也巴里坤本名巴爾庫勒蒙古語謂虎為巴爾足為庫勒言山形似虎足也舊名蒲類縣以城西山凹有海名蒲

類海亦名婆息海故以名其城西陲紀畧謂蒲類海在吐魯番西南非也吐魯番西南乃蒲昌海又名羅卜淖爾一名黝澤是也巴里坤東南過松樹塘出南山口通哈密大道巴里坤西北至古城由古城東北通科布多大道又由古城西達烏魯木齊由烏魯木齊西北至庫爾喀喇烏蘇北通塔爾巴哈台大道西至晶河交伊犁界又由烏魯木齊南達吐魯番設府廳州縣敘歷代及

本朝紀畧如左

漢武帝元鼎二年張騫使西域知車師前王庭爲北道而不知復有車師後王庭也至太初三年大發兵從貳師將軍李廣利伐大宛宛殺其王母寡出善馬以降於是自敦煌西至鹽池往往起亭而輪臺渠犁皆有田卒數百人置使者校尉領護以給使外國者征和四年桑宏羊言輪臺以東捷枝渠犁故國地廣饒水草有溉田五十頃以上可遣屯田卒置校尉募民

壯健敢徙者詣田所墾田築亭以威西國

宣帝地節三年鄭吉田渠犁車師王奔烏孫餘民東徙吉使吏卒往田車師地以實之蓋前後庭皆漢屯田之所元康二年匈奴以爲車師地肥美使漢得之多田積穀必害人國不可不爭數遣兵擊車師田者鄭吉爲匈奴所圍常惠往援鄭吉迎歸渠犁遂以車師故地與匈奴

元帝初元元年匈奴款服復命安遠侯鄭吉爲都護置

戊己校尉復屯田車師故地

明帝永平十八年北匈奴攻殺車師後王安得而攻金

蒲城耿恭以毒矢射之遂解去恭以疏勒城

胡三省曰此疏

勒在車師後部非疏勒國城也傍有澗水可固引兵據之已而匈奴

復來攻壅絕澗水恭於城中穿井有飛泉湧出恭令

吏士揚水以示虜虜大驚復引去時都護陳睦已校

尉關寵俱沒

章帝建初元年酒泉太守段彭擊車師斬獲數千北匈奴

奴驚走車師復降罷都護及戊己校尉官

安帝永寧九年北匈奴率車師後王軍就共殺伊吾行

長史索班詔復置都護屯兵延光二年北匈奴連與

車師寇河西議者復欲閉玉門陽關以絕其患敦煌

太守張璠上言北虜呼延王常輾轉蒲類東海間專

制西域共為寇鈔今以酒泉屬國吏士二千餘人集

昆侖塞今昆先擊呼延絕其本根因發鄯善五千人

脅車師後部此上計也若不能出兵置軍司馬將士

五百人四郡供其犂牛穀食出據柳中此中計也如又不能則宜棄交河城收鄯善等使入塞此下計也三年班勇擊走匈奴田車師者四年擊斬車師後王軍就及匈奴使者西域復通

唐太宗貞觀十四年侯君集滅高昌以其地為西州今吐魯番是也又以車師後王庭置庭州

高帝永徽二年西突厥招集離散廬帳漸盛自稱沙鉢羅可汗有咄陸弩什畢十姓統之進寇庭州攻陷金

嶺城唐書地理志云西州交河縣北行經柳谷度金

沙嶺至北庭都護城今烏魯木齊舊城是也西突厥

賀魯之亂武侯大將軍梁建方率回紇五萬騎討之

顯慶二年以蘇定方名烈為伊麗即今伊犁道行軍總管討

沙鉢羅先是上遣使冊拜西突厥真珠葉護為可汗

至碎葉城唐西域傳安西至蔥嶺度雪海春夏常雨雪北行又千里得細葉川東曰熱海地寒

不凍其西有碎葉城為沙鉢羅所拒程知節討之不克至是蘇

定方督諸軍進討考唐碎葉川即細葉川亦曰素葉

水在伊麗河西今伊犁河西之水最大者為圖斯庫

爾即碎葉舊蹟也其水周廣六百餘里冬十月蘇定

方至曳咥河在伊犁河東西擊敗沙鉢羅斬獲數萬會大

雪平地數尺軍中咸請俟晴而行定方曰賊恃雪深

謂我不能進必且休息亟追之可及也乃兼行直抵

其牙帳縱兵擊之斬獲又數萬沙鉢羅脫走趨石國

大宛蕭嗣業追獲之分西突厥地置崑陵都護府居

碎葉川西濛池都護府居碎葉川東以彌射為典昔

亡可汗押五咄陸部落以步真為繼往絕可汗押五

弩什畢部落永隆以後吐蕃漸彊盛矣

元宗開元十年吐蕃圍小勃律西域傳大勃律或曰布

露直吐蕃西與小勃律接距吐蕃贊普牙東南對大

勃律今東西布魯特即其地也小勃律王設謹莽求

救於北庭節度使張孝嵩孝嵩將蕃漢步騎往擊大

破之天寶後突厥亂回紇骨力裴羅封為懷仁可汗

突厥亡其地盡入回紇矣

又

國朝康熙五十五年散秩大臣祁里德奏來年由巴里

坤勦吐魯番乘勢取珠勒都斯地

在喀喇沙北山周二千里水草暢茂

五十六年靖逆將軍富寧安請遣巴里坤兵分擊烏

魯木齊及吐魯番富寧安以兵抵烏魯木齊擒賽音

塔喇諸邑回人百餘振旅還六十一年遣巴里坤兵

五千赴吐魯番築城墾地輓糧守汛防禦準噶爾賊

雍正八年寧遠大將軍岳鍾琪統軍屯巴里坤準噶爾

盜運糧駝馬總兵樊廷等馳擊之敗遁十三年

軍撤還王大臣議設駐防哈密及巴里坤兵各二千

乾隆二十三年

乾清門侍衛努三等查勘田自木壘

至烏魯木齊昌吉羅克闢展等處皆可耕種始議撥

兵屯田 二十七年正月派撥戶民赴烏魯木齊屯

田張掖東樂山丹共撥種地二百戶男婦大小七百

七十七口 二十九年十月派撥張掖縣戶民赴烏

魯木齊等處屯田共撥種地民三百五十戶男婦大

小一千三百八十七口 三十二年派撥張掖縣戶

民赴木壘奇台西吉爾瑪泰等處屯田共撥種地民
 男婦大小一千一百七十三口 三十三年派撥張
 掖縣戶民再赴木壘奇台等處屯田共撥種地民一
 百五十戶男婦大小五百四十二口 三十四年派
 撥張掖縣戶民再赴木壘等處屯田共撥種地民一
 百戶男婦大小四百七十四口 三十四年七月分
 巡甘肅道畢沅往木壘一路安插屯田估築古城工
 程九月總督明山會勘木壘一路安插民戶屯田估

築古城工程木壘一路增設屯田自東西吉爾瑪泰
 至特訥格爾先安十一堡開墾地四萬餘畝復馳往
 濟木薩會同駐劄烏魯木齊大臣徐績等勘辦議築
 古城繪圖以進 三十六年十一月派撥戶民赴濟
 木薩東北古城等處屯田張掖山丹撫彝共撥種地
 民一百戶男婦大小五百三十六口 四十一年十
 二月派撥戶民再赴烏魯木齊等處屯田張掖山丹
 共撥種地民一百四十戶男婦大小五百九十六口

四十二年十二月派撥戶民赴迪化州古城等處
屯田撫彝廳東樂二處共撥種地民四十四戶男婦
大小一百八十七口 四十三年九月派撥張掖縣
戶民再赴迪化州等處屯田共撥種地民一百二十
戶男婦大小五百二十二口

疆域門

謹案烏魯木齊為準噶爾游牧之所今鞏寧城東

四十里名古牧地其遺蹟也所屬之境西界伊犁

古名伊麗又名伊列西北界塔爾巴哈台又名雅

為噶勒丹駐牧之地爾薩納駐北至沙磧即戈壁亦阿

牧之地薩納游東界哈密漢伊吾廬地唐曰伊東南抵吐

牧之所魯番漢車師前王庭唐高昌闕展又名屬境南界

天山北連山西南界喀喇沙爾東蘇巴什台四城皆

在天山南也考山南諸國曰焉耆即喀喇沙爾距吐魯番西南一

千三曰龜茲即庫車距喀喇沙爾西九百四十里曰溫宿即阿克蘇距庫車西

南一千曰尉頭即烏什距阿克蘇西二百里又西南曰莎車即

爾羌本名葉爾奇木距阿克蘇西南一千四百里又東南曰于闐即和闐距葉爾

羌東南七又北曰依耐即英吉沙爾距葉爾羌三百餘里曰疏勒

即喀什噶爾距葉爾羌西北五百九十里而莎車依耐疏勒尉頭邊外

皆大小勃律也今東西布魯特又西曰巴達克山曰溫都

斯坦又名溫那沙曰克什米爾又名卡契又名纏頭回回又北曰敖

罕又名霍罕曰安集延即古罕开曰哈薩克即古大宛接伊犁塔

爾巴哈台之境矣惟烏魯木齊當山北四路之衝

哈密科布多伊犁塔爾巴哈台東西三千餘里南北或七八百里

或四五百里至於哈密扼南北兩路之要西南通吐魯番

北通巴里坤故與吐魯番屬境並載焉

哈密距京師七千一百八十里距蘭州省城三千五百

里東至安西州交界紅土崖子五百二十五里南至

南湖三十里以外俱係戈壁西至吐魯番交界沙坡

五百里北至宜禾縣交界柵門口一百七十里屬邑

十三日蘇門哈爾輝日阿思塔納日托克齊日拉十

楚克日喀喇都伯日格子煙燉日星星硤日下磨艾

日上磨艾日塔勒納沁日半池泉日柳樹溝日博羅

特口皆哈密回部札薩克郡王屬

吐魯番在嘉峪關外至京師八千三百五十里東界哈

密西界喀喇沙爾南至沙磧北至博克達山為天山

界邑二十有九日塔呼日納呼日齊克塔木日納庫

斯日洪日

爾奇木日魯克沁日關展日英

格日喀喇和卓日阿思塔納日玉門口日勒木丕日

交河城日雅木什日安集彥日波袞日托克遜日伊

拉里克日勒木津日雅土溝日漢墩日蘇巴什日僧

吉木日罕和囉日穆爾圖拉克日布拉克日濟木

薩皆吐魯番回部札薩克郡王屬

烏魯木齊東至哈密屬之松樹塘計程一千五百里

迪化城至黑溝六十里

黑溝至阜康縣七十里

阜康縣至大泉五十里 交濟木薩界

大泉至清水七十里

清水至三台九十里

三台至濟木薩九十里

濟木薩至古城六十里 交奇台縣界

古城至奇台縣九十里

奇台縣至木壘九十里

木壘至阿克達斯九十里

阿克塔斯至烏蘭烏蘇九十里

烏蘭烏蘇至色畢六十里

色畢至噶遜八十里

噶遜至務塗水九十里 交宜禾縣界

務塗水至肋巴泉七十里

肋巴泉至蘇吉九十里

蘇吉至巴里坤九十里

巴里坤至奎素九十里

奎素至哈密屬之松樹塘八十里

又古城北至科布多屬之鄂倫布拉克台計程三百六

十里 設卡倫四

古城至素畢口卡倫四十里

素畢口至噶遜布拉克卡倫九十里

噶遜布拉克卡倫至蘇吉卡倫一百四十里

蘇吉卡倫至科布多屬之鄂倫布拉克卡倫九十里

烏魯木齊南至喀喇沙爾屬之蘇巴什台計程七百一
十里

鄂倫拜星至昂吉爾圖淖爾一百二十里

昂吉爾圖淖爾至喀喇巴爾噶遜一百一十里

喀喇巴爾噶遜至哈畢勒罕布拉克一百一十里

哈畢勒罕布拉克至根特克一百里

根特克至吐魯番城五十里

吐魯番西至布幹七十里

布幹至托克遜六十里

把克遜至喀喇沙爾屬之蘇巴什台九十里

又吐魯番城東至哈密屬之磴槽溝計程八百里

勝金台至連木沁六十里 連木沁至闕展六十里

闕展至素魯圖六十里

素魯圖至齊克騰木七十里

齊克騰木至鹽池一百八十里 交巴里坤界

鹽池至梧桐窩一百二十里

梧桐窩至陶賴台一百四十里

陶賴台至肋巴泉六十里

肋巴泉至哈密屬之磴槽溝五十里

烏魯木齊西至伊犁屬之胡素圖布拉克計程一千三

百九十里

40 65 75 265

鄂倫拜星至洛克倫七十里 交昌吉縣界

洛克倫至呼圖壁六十五里 交呼圖壁界

呼圖壁至土古里克六十五里

土古里克至瑪納斯七十五里 交綏來縣界

瑪納斯至烏蘭烏蘇八十里

烏蘭烏蘇至安濟海七十五里

安濟海至奎屯七十里 交庫爾喀喇烏蘇界

奎屯至庫爾喀喇烏蘇八十里

庫爾喀喇烏蘇至布爾噶濟五十里

布爾噶濟至敦木達六十里

敦木達至固爾圖五十五里

160
70
90
220

50
60
55
50
125
340

固爾圖至托多克五十里 交晶河界

托多克至晶河一百二十五里

晶河至托里台六十里

托里台至托霍木圖七十里

托霍木圖至伊犁屬之胡素圖布拉克九十里

烏魯木齊北至塔爾巴哈台屬之烏爾圖布拉克計程

八百九十五里 庫爾喀喇烏蘇分路

庫爾喀喇烏蘇至庫爾和台九十里

庫爾和台至沙拉烏蘇九十里

沙拉烏蘇至鄂倫布拉克七十里

鄂倫布拉克至塔爾巴哈台屬之烏爾圖布拉克九十里
自庫爾喀喇烏蘇至此三百四十里

山川門

謹案嘉峪關外安西州西哈密北其山名北天山

即所謂北祁連山也又名雪山山之陽西通回疆

諸城為南路山之陰北通巴里坤諸城為北路蓋

天山自葉爾羌西南袤延七千餘里始至哈密之

鹽池山截然而止其間最大而著名者八在哈密

者曰折羅漫山在吐魯番者曰靈山在烏魯木齊

者曰博克達山在喀喇沙爾者曰大小珠勒都斯

山俗名在伊犁阿克蘇之交者曰穆蘇爾達巴

罕即冰在烏什者曰貢古魯克山在葉爾羌者名

關勒山又名米勒岱山山多青玉又東南為和闐

南山曰仇摩置山山多白玉古所云玉出崑山是

也其山自和闐至喀什噶爾縣亘二千餘里統名

塔爾塔什達巴罕古所云蔥嶺是也山之陽水皆

東南流山之陰水皆西北流而山陰水多無名蓋

由天山積雪消融滲洩成泉耳至山陽山水祇錄

哈密吐魯番兩境餘悉載回疆志

烏魯木齊

博克達山 烏魯木齊東二百餘里北天山之間突起

三峯高插雲霄削如太華豐下而銳上四時積雪不

消其山之陽自吐魯番望之在北自蘇巴什望之在

東其山之陰自巴里坤望之在西南自鞏寧城望之

在東南面面連崗崩崿環抱神臯或起或伏如拱如

揖千餘里惟博克達獨尊洵西邊之重鎮也其山之

ウルク

嶺有大龍潭周數十里水清而甘深不可測其山之麓有小龍潭周十餘里水盈而流沛然莫禦與雲致雨引水灌田數萬家惟博克達是仰又輪臺之靈山也博克達者蒙古語神靈之稱故俗名曰靈山將軍兆惠曾望祭於察漢柱爾地方乾隆己卯侍衛努三奏言宜在巴爾哈達肇興祀典自是每歲內頒香帛都統等以太牢致祭於紅山之上其祭文由禮部撰成頒發

紅山 鞏寧城東南三里山高里許周寬數里峭壁懸崖形如蟾蜍昂首南面陡坡直上山巔建玉皇廟一座旁堆鄂博東面爲望祀博克達山之所都統索諾木策凌題額曰上方山每歲四月十五日居民商戶車馬雲屯雜技百工靡不聚集爲塞上一勝會也南北兩路均稱烏魯木齊爲紅廟子本此

溪河 紅山嘴下溪河二道自天山北衆派分流滙歸於此蓋由東南奔湍西北也夏秋水勢瀾漫舊架虹

三州輶轡 卷之一
橋今傾圮無存冬春冰雪匝野滑躑難行又一琉璃
世界

福壽山 城南里許自紅山平斷處平行二里其南岡
巒忽起蜿蜒西行直赴瑪納斯大河層崖疊嶂其陽
則珠勒都斯山場也其北復向西南接庫爾喀喇烏
蘇南山西至晶河直抵伊犁皆天山也每見雲霧迷
漫夏必雨冬必雪俗稱靈應山西向建龍王廟一座
山腰開渠宛轉如帶疏洩消融之雪水繞鞏寧城西

南北流灌民屯地畝

智珠山 福壽山東南平地孤起一峯漫坡高里許上
建八蜡神廟添設風神牌位於西廂東向顏曰解慍
天山聯曰歌北歌南申命四方能偃草叩商叩角發
生萬物不鳴條楹聯曰有聲無形借燠暘而時若真
空是大佐雷雨以成功其東爲文昌殿東南兩面周
廊船屋開窗遠眺爲文人嘯詠勝境也

溫泉 城東二十里自南崗山口而入由八旗水磨紆

迴宛轉而至其地泉上有亭以巨石墊地清溫徹底浴之可以愈疾傍建龍王廟並勒石碣一

鹽池海 大小二區一在城南二十里名曰小鹽池周

二里許一在迤南一百二十里之昂吉爾圖淖爾軍

台之前長八十餘里中流止水無波兩岸積鹽盈丈

層層堆壘儼如白玉堅冰土人或以車載或以驢馱

賣資民食每斗售價不過四五分不藉煎煮更便於

蜀中鹽井為烏魯木齊第一稱便之事

齊克達巴罕 在城南二百三十里喀喇巴爾噶遜營

東十里山巔崎嶇道途礮礮七上七下四十餘里俗

名七箇達坂南通喀喇沙爾大道東通吐魯番哈密

安設軍台考宋供奉官王延德使高昌錄云王延延

德至北庭凡六日至金嶺口上金嶺即多雨雪嶺上

有龍堂刻石記云小雪山也疑即此嶺

瑪納斯河 在綏來縣城外南北大河一道距城里許

每至夏月山水漲發往來行人過渡維艱

陽關 瑪納斯西南舊有傾倒城基厄魯特等名爲陽

巴勒哈遜漢人名此爲陽關非沙州之陽關也

喀喇烏蘇河 譯言黑水也又晶河通伊犁大路水俱

北流山雪夏融水亦盛漲

蓮花池 在庫爾喀喇烏蘇西門外二里許有小土山

周二里餘形如釜甑中間碧水盈池約深數丈其水

甚涼四時無消長每至夏季自水底挺出白蓮花滿

池花葉較內地荷花稍小而潔白馨香殊堪玩賞亦

有如碗盂大者俗名其池爲蓮花池乃天地所自生

者池之深雖善泅者不能到惟沿邊以長竿弋取其

花其幹長一二丈此爲可異

千佛洞 在濟木薩城西南山內距城十餘里入山約

行數里重岩疊嶂高下不等樹木叢茂並未見有洞

口傳聞自乾隆三十五六年間有濟木薩城內賣菜

民人患眼疾逾年不痊將至失明無以餬口幸賴熟

悉山徑每遇天氣晴明拄杖赴山揀柴度日一日入

三州輶轎 卷之一
山眼疾遽發其痛難忍至欲輕生遂摸索至一山崗
樹下解帶欲縊忽聞旁有人言此山下有水洗眼可
痊其人回問四無應聲又聞人言如是者三乃匍匐
下坡聽有水聲祝曰此必神明指示如果洗愈誓出
家爲僧隨坐溪邊掬水洗目疼痛卽止漸漸透明洗
一日夜兩目卽能視物望空叩謝復上山坡背山歇
坐忽見坡土坍塌透露白灰牆壁用手刨挖竟虛空
有門洞之跡因出山遍告村人攜帶鋤赴山觸開

洞門內甚黑暗取炬照之洞形如半月見一臥佛身
長丈六金面跣足衣服顏色如新又有銅佛大小不
計其數自尺餘至三五寸不等土花鏽蝕者極多民
人感泣卽日落髮募化卽在洞前接蓋廟宇極其壯
麗都統索諾木策凌會 貢此洞中銅佛九尊考宋
供奉官王延德使高昌錄云時四月師子王避暑於
北庭邀延德凡六日至北庭憩高台寺又明日引延
德遍遊境內佛寺有曰應運泰寧之寺貞觀十四年

造此洞蓋亦唐時高昌舊蹟也

大沙山 在濟木薩奇台一帶無水草

南泉腦 在濟木薩南山由南山流出泉水開渠灌溉

民戶屯工地畝餘歸草廠牧馬

一碗泉 在奇台縣西南山中全為牧廠

河身山 在奇台縣南山中北流大河一道又北流逕

皂角溝分為三支灌溉民莊地畝

達坂河 在奇台縣南山有二源至龍口合為一流水

草豐茂俱為牧廠

蒲類海 在巴里坤西北沙山下長一百餘里蒲類縣

因此海得名考漢遺寶固耿秉擊破白山虜於蒲類

海上又班超將兵擊伊吾於蒲類海即此俗名婆息

厥海南山軍台由肋巴泉東南登山巔即望見此海

松樹塘 在巴里坤東一百五十里連崗峭壁盤道紆

迴二十四折始至其嶺松栢亭亭遍滿山谷上建

關聖帝君廟靈異最著有唐碑一

文載藝文門

哈密

北天山 西陲紀畧云伊吾郡北有天山春夏積雪不消一名雪山匈奴謂之天山過皆下馬羅拜焉漢遣貳師將軍李廣利將二萬騎出酒泉擊右賢王於天山得虜萬騎而還卽此地也元和志云一名折羅漫山出好米及金錢一統志云唐伊西二州皆有天山蓋東西二州千里之界也今考哈密城北一百三十里雪山卽北天山又名折羅漫山苟不窮其山脈之

所自來皆臆說也其山自葉爾羌西西南蜿蜒而來曰蔥嶺至闕勒玉山分脈其東南一支遶和闐而東行其西北一支遶英吉沙爾喀什噶爾之西又北行達布魯特境東行遶烏什之北又逕阿克蘇之北又逕庫車喀喇沙爾吐魯番之北縣亘七八千里而至哈密東北百餘里爲北天山又百餘里截然而止則在巴里坤之東名鹽池山伏入地中矣此山爲南路回疆西路伊犁之分界山陽爲自哈密至葉爾羌南

路山陰則由巴里坤至伊犁北路也其山之最大者
 又隨地而異名在葉爾羌者統名塔爾塔什達巴罕
 直包喀什噶爾西北兩面在烏什者名貢古魯克達
 巴罕在阿克蘇者名穆蘇爾達巴罕蓋冰山也北通
 伊犁在喀喇沙爾者名大小珠爾都斯山在烏魯木
 齊者名博克達山即靈山在哈密者名折羅漫山又
 東名鹽池山此山之南沙磧漫野即希爾哈戈壁所
 謂千里瀚海也其山伏地千餘里至嘉峪關外沙州

之東突兀起頂東行名祁連山所謂南天山也再東
 行至洞素達巴罕過脈東北行至巴圖爾達巴罕北
 分一支至八寶山形如蓮華尊成嶽體乃西寧涼州
 甘州肅州四郡之鎮山也又自鎮素達巴罕東行至
 野馬川之東景陽嶺自南而北東分一支結涼州屬
 諸山西分一支與察罕鄂博過脈西行至祁連達巴
 罕過脈向北分一支結甘州屬諸山其自景陽嶺北
 行插一支結中山又名大王山祁連山再東行過松

龍界。又環抱寶雞口。武功太白。蓋屋以東。總名終南山。再東則又分支東行。為楚境諸山也。終南之東北。為西嶽華山。自黃河底過。脈北行。為太行中條山也。此南北天山之始末也。又蔥嶺東南一支。遶東南行者。至和闐復分為二。其南行一支。東南行為西藏諸山。諸番部之山。南遶雲南諸山也。其北一支。東行直達青海境之庫爾坤山。巴延喀喇達巴罕北則為積石山。南則為三十九族。諸山直達打箭鑪。為四川境

之諸山。再東南則為貴州境之諸山。湖南境之諸山也。其兩廣江浙閩中諸山。可以意會矣。此蔥嶺南幹諸山之始末也。程子曰。山本同而末異。信然。其南路諸山。分載於各城山川條。

拘密山 哈密西北。元和志云。在伊州納職縣北一百里。又北六十里。直抵蒲類海上。按他說誤以蒲類海為蒲昌海。非是。蓋蒲昌海在闕展吐魯番之東南。即羅卜淖爾。與此無涉。漢貳師將軍李廣利大破匈奴於蒲類海上。封海西侯。乃哈密北境也。

高梧谷 十六國春秋云呂光自龜茲還至宜禾涼州

刺史梁熙謀閉關拒之高昌太守楊翰以高梧谷口

險阻之要宜先守之而奪其水道如其遠不守伊

吾之關亦可拒也光初聞翰謀大懼既而聞熙不聽

乃進

按高梧谷疑卽上梧桐窩險隘若繞其東則爲下梧桐窩其間有三間房十三間房乃風戈壁

柳谷水 元和志云柔鄉縣柳谷水有東西二源出縣

東北天山南流十五里合流

鹽池 西陲紀畧云唐志伊吾納職兩縣俱有鹽池水

自生鹽不待煎煮漢夷俱仰賴焉

吐魯番

天山 卽祁連山由哈密北表延至此通鑑云月氏居

祁連敦煌間注祁連卽天山匈奴呼天曰祁連其山

在今甘州府張掖縣西南縣亘甘涼之境一名南山

一名雪山西連肅州安西又西極於蔥嶺蓋數千里

今考祁連有二自甘涼達安肅者爲南祁連卽西域

傳所云南山也其北祁連則在哈密城北一百三十

里巴里坤之東名鹽池山番名折羅漫山縣巨西南
至吐魯番卽西域傳所謂北山也杜佑通典云自張
掖以西至於庭州山皆周徧者蓋統南北兩祁連而
言之也

靈山 卽博克達巴罕之陽也西陲紀畧云靈山在安
樂城西北百里其山最高大土人言此十萬羅漢削
髮涅槃處近山有高台傍有僧寺寺下有石泉林木
入山行二十里至一峽峽南有小土屋南登山坡坡

上有石屋中有小佛像五屋前有池池東有山青黑
色遠望坡如毛髮土人言此十萬羅漢洗髮處循峽
南行六七里登高崖崖下小山纍纍峯巒秀麗羅列
成行峯下白石成堆似玉輕脆不可把握堆中有若
人骨狀者堅如石文縷明晰顏色光潤土人言此乃
十萬羅漢靈骨也又東石崖下石笋如人手足稍南
至山坡坡石瑩潔如玉土人言此乃辟支佛涅槃處
也周行羣山約二十餘里五色砂石火焰灼人四面

峻壁石崖天巧奇絕不可勝紀惟鳥獸絕無耳

火焰山 自哈喇和卓歷吐魯番喀喇沙爾庫車北一

帶山色皆赤色如火焰形其中產礪砂常有煙霧湧

起至夕光焰若炬照見禽鳥皆成光彩

貪汗山 在吐魯番北夏有積雪山陰即烏魯木齊

瀚海 地皆砂磧無水草赤地千里通志云經前庭縣

有大沙海在柳中縣東南九十里亦名旱海即所謂

白龍堆也今考瀚海有一通鑑所云漢霍去病封狼

居胥山禪於姑衍山登臨瀚海註狼居胥山在漠北

喀爾喀地方瀚海在蘇尼特之北喀爾喀之南其西

則接伊犁之界據此則回疆乃南瀚海也

沙陀金山 月氏別種西突厥之苗裔本號朱邪世居

金沙山之陽蒲昌海之北其地有大磧名曰沙陀後

因以沙陀為號朱邪為姓唐憲宗時有朱邪盡忠始

見於中國其後有朱邪赤心懿宗時賜姓李名國昌

克用其子也

羅卜淖爾 在吐魯番東南五百餘里闢展南三百餘里其澤周千餘里乃西域東南一大藪澤也其中有回莊二處皆呼之曰羅卜淖爾回子人戶各四五百家其人不種五穀不知游牧以魚為食織野麻為衣取天鷲絨為裘臥藉水禽之翼語言與回子通曾不知諷經禮拜之事時有入庫爾勒回城者不能食牲畜之內穀麥之食食即大吐不止以庫爾勒多魚故肯來他處則不敢往矣開闢回疆時伊等投誠每年

進 貢水獺皮九張設六品伯克居住吐魯番專司

催取皮張

至其地以放火為號伊等即乘皮筏而設出照數交納領隊大臣代為呈進焉

五六品伯克十員管束其眾

其伯克缺出即由本處公舉一人呈報吐魯番

由領隊大臣奏放

西域聞見錄以羅卜諾爾為星宿海非也

考漢書云于闐河與蔥嶺河合東注蒲昌海一名鹽

澤括地志云鹽澤一名蒲日海一名穿蘭一名臨海

蓋蒲昌海又名黝澤番名羅卜淖爾也其淖爾受西

域外番諸大水西北雪山春夏消融之水滙於此淖

而不流潛行地下耳其所受之水一自葉爾羌西南
 徼外溫都斯坦部落西北山後有大河曲曲東北流
 逕拉虎爾部落克什米爾部落又東至葉爾羌城西
 南二百里分爲二流又自米爾台玉山流出一水注
 之總名曰玉河又名得葉爾河其水最大夾白沙而
 行其色如銀東南流一自和闐南山中流出分而爲
 二亦名玉河一自葉爾羌正北蔥嶺外流出一河在
 坎達哈爾部落之南一自布哈爾部落山後流出一

河俱南行至什克南城北山後合流逕瓦罕城至大
 河沿分而爲二至奇蘭戈壁又分而爲二支一自葉
 爾羌東北拜哈爾城北流出一河西南行至闊喇普
 分而爲二逕塔什干城東南流此葉爾羌西南北三
 路諸水皆歸於羅卜淖爾者也又自喀什噶爾北來
 伊蘭烏瓦斯河西來圖舒克塔什河烏蘭烏蘇河南
 來泰里布楚克河霍色爾河俱東南流歸羅卜淖爾
 又烏什西來大河一道源出布魯特胡什齊地方東

至察哈喇克台出境又阿克蘇城西渾巴什河源出

穆蘇爾達巴罕又托什罕河瑚瑪喇克河湯納哈克

河楚克達爾河穆雜喇特河俱東南流歸羅卜淖爾

又庫車城西之渭甘河統沙雅爾東南流喀喇沙爾

城西海都河又名開都河俗名通天河源出北大雪山東南俱流

歸羅卜淖爾又吐魯番城外交河二道源出金嶺自

北東南流又闡展北來之河又哈密西雪山融化之

水東南流此南路諸水自西北兩面皆歸於羅卜淖

爾者也其水渟而不流潛行地中東至青海境庫爾

坤山之巴延喀喇達巴罕東麓始復出為星宿海又

名鄂敦淖爾蒙古語鄂敦星也淖爾海也即元史所

稱火敦腦兒者也史傳謂黃河源出星宿海不知更

有羅卜淖爾受西域諸大水程子曰水本異而未同

不信然與

爾者其水亦面

壯也久已

各得



